

108 年全國語文競賽原住民族語朗讀【海岸阿美語】 國中學生組 編號 2 號

Pilaplap to foting

Ci Kolas faki, itini toya telang ho a niyaró' no Kihaw ko loma' ningra, o mifotingay tono tamina cingra. Saka, ano ira minokay ko tamina ningra a mifoting, ma'araw to no mako cingra mikawit to salil, sapimaan iso kona salil ha faki han no mako a milicay? sapatilo i riyar to foting sa cingra. Caay ka fana' kako samanén patilo? saka nengneng sa to pikawit ni faki. Pinaay to a folad ko pikawit ni faki Kolas toni salil caay ka sa'osi no mako, saka fohal sa mitahidang ci faki takowanan to sapitoor cingranan tayra i riyar a milaplap to foting saan, 'aloman ko faki ato kakakaka mitoor tayni i lawac no Kihaw a riyar.

Tangasa to kami i lawac no riyar, sadak han to ni faki Kolas koya nikawitan ningra a salil, wata ko kiedaw, nengneng han ira ko tosa polo' a laya' ko kiedaw ato tosa a laya' ko kakahad noya salil sa kako. Misawsaw to to tamataan a midangoy ca faki ato kaka mapolong, ocor han to ni faki ko tatosa a kaka mitoor i cingranan a midangoy tayni i tenok no riyar, ci dadangoyan cangra a mitereng toya salil a misisil to lawac no riyar, ta masadak tayni i sekar.

Maherek, salayalay sa kami a midangoy mitepa' to nanom no riyar, onini a pitepa' to nanom i, todong to pilaplap to foting tayni i tenok, ta maeteng no salil cangra saan. Soelin, nengneng han adihay ko foting miraod toya salil, itiya, kalamkam sa ca faki ato kakakaka a micelem, ta tatiw han nangra koya salil a mitafo toya foting, caay to kanga'ay no foting a dademak, itiya kalat kalat han to na faki ko fongoh no foting mipatay.

Pasadak han to ko salil talasekar saka nga'ay a mipitpit toya i salilay a foting, adihayay ko masalilay, ccay ko lingad na faki matomos ko ccay a talay to foting. Pikawit ni faki toni salil toloay a tarodo' ko mata nira, saka tata'akay ko tahasalilay a foting, miliyaw ho a miteli ca faki to salil, saka tosaay ko talay to foting.

Ikor no lahok to tolo no toki minokay to kami, tangsa i loma' ni faki, ira:to ca fai mitangtang to hakhak saka lafi, 'aloman ko salawina mitala a malafi, nengneng han ci faki Kolas tawa sa ko ngoyos ningra a malipahak, hatiniay ko demark no milaplapay to foting sato kako a mafana'.

108 年全國語文競賽原住民族語朗讀【海岸阿美語】 國中學生組 編號 2 號

趕魚

在舊Kihaw部落的姑丈是一位捕魚人。只要捕魚回來，我總是看到他在織漁網。他說網漁用，我不了解如何網魚！我只是看著姑丈織網，不知過了幾個月？姑丈讓我跟隨著到海邊去趕魚，也有很多長輩及兄長們跟隨著去海邊。

到了海邊，姑丈把魚網拿出來，大概有20公尺長、2公尺寬。長輩及兄長在清洗泳鏡，姑丈叫兩位大哥哥隨他游到海中間，把魚網順著海岸拉直放入海中，然後就游上岸。我們排成一行游向海中、拍打海水。這樣就是將魚趕到漁網圍住。好多魚游向魚網，這時長輩跟大哥哥們很快的潛入海中，把漁網網住魚，讓魚無法脫身。

再把漁網收到岸邊方便收拿網中的魚，一趟就有一大臉盆滿滿的魚，姑丈織的魚網目有三指大，網到的魚都好大隻，姑丈他們又再放一次魚網，網到的魚有兩大臉盆多。

午後到姑丈家，長輩及嬭嬭早已煮好糯米當晚飯，親友們都在等待吃晚餐，看著姑丈高興的合不攏嘴，原來網魚是這樣做的。